

		Í peningum		Hundrað á		Alin.
		Kr.	Aur.	Kr.	Aur.	Aur.
<i>E. Lýsi.</i>						
27.	1 hndr. 1 tunna (120 pt.) hvalslysís 8 pottar á	»	»	»	»	»
28.	— 1 — — hákarlslysís — —	2	63	39	45	33
29.	— 1 — — selslysís — —	2	27	34	5	28
30.	— 1 — — þorskalýsís — —	1	98	29	70	25
<i>F. Skinnavara.</i>						
31.	1 hndr. 4 fjórðungar nautsskinns 10 pund á	14	56	58	24	49
32.	— 6 — — kýrskinns — —	11	54	69	24	58
33.	— 6 — — hrossskinns — —	9	54	57	24	48
34.	— 8 — — sauðskinns, af tvævetrum og eldri — —	7	53	60	24	50
35.	— 12 — — sauðskinns, af veturgömlum og ám — —	5	32	63	84	53
36.	— 6 — — selskinns — —	8	33	49	98	42
37.	— 240 lambskinn (vorlamba), einlit hvert á	»	22	52	80	44
<i>G. Ymislegt.</i>						
38.	1 hndr. 6 pd. af æðardúu, vel hreinsuðum, pundið á	17	38	104	28	87
39.	— 40 — — óhreinsuðum — —	»	»	»	»	»
40.	— 120 — — fuglafiðri 10 pund á	7	67	92	4	77
41.	— 480 — — fjallagrösum — —	»	»	»	»	»
42.	5 álnir 1 dagsverk um heyannir	2	35	56	40	47
43.	— 1 lambsfóður	3	70	88	80	74

Meðalverð á hverju hundraði og hverri alin í fyrtöldum landaurum verður:

<i>Eptir A. eða í friðu</i>	77	64	65
— <i>B. — í ullu, smjöri og tólg</i>	55	80	47
— <i>C. — í ullar-tóvöru</i>	72	84	61
— <i>D. — í fiski</i>	72	95	61
— <i>E. — í lýsi</i>	34	40	29
— <i>F. — í skinna-vöru</i>	58	80	49
En meðalverð allra landaura samantalið.....	372	43	312
og skipt með 6, sýnir:	62	7	52

meðalverð allra meðalverða

Reykjavík 5. dag marzmánaðar 1887.

E. Th. Jónassen. P. Pjetursson.

Brjef landshöfðingja til sýslumannsins í Kjósar- og Gullbringusýslu um eptirgjöf vaxta af hallærisláni handa sýslunni. — Samkvæmt beiðni yðar, herra sýslumaður, í þóknanlegu brjefi 15. p. m., fyrir hönd sýslunefndarinnar í Kjósar- og Gullbringusýslu, veiti jeg hjer með sýslu þessari, að þar til fengnum myndugleika frá ráðgjafanum fyrir Ísland, og samkvæmt 4. gr. fjárlaganna fyrir 1886 og 1887, eptirgjöf á leigum til ársloka 1887 af hallærisláni því, að upphæð 20000 kr., er sýslunni var veitt úr landssjóði með brjefi landshöfðingjans 24. júní 1885, móti því, að frá þeim tíma verði af láni þessu greiddir 4% árlega í vöxtu, og það sjálft endurborgað á 8 árum með $\frac{1}{8}$ hluta þess árlega. 26 27. janúar

Brjef landshöfðingja til biskupsins um skilning á 10. gr. í lögum 1886 um hluttöku safnaða í veitingu brauða. — Jafnframt og jeg endursendi yður hjer með, 28. janúar 27

27 háæruverðugi herra, umsóknarbrjef það frá fyrrum aðstoðarpresti í Stafholti, sjera Stefáni 28. janúar Jónssyni, um Helgastaðaprestakall í Suður-Þingeyjar prófastsdæmi, er þjer senduð hingað með þóknanlegu brjefi yðar 25. nóvember f. á., vil jeg samkvæmt tillögu yðar í brjefi þessu skora á yður, að láta leita á löglegan hátt samkvæmt 10. gr. sbr. 3. gr. í lögum nr. 1, 8. janúar f. á., um hluttöku safnaða í veitingu brauða, tillögu hlutaðeigandi safnaðar um það, hvort hann kjósi heldur, að nefnt brauð verði veitt þessum eina umsækjanda, sem um það hefur sótt, eða að reynt verði fyrst um sinn að útvega því prestspjónustu til bráðabirgða á annan hátt. En jeg skal taka það fram, af því að mjer finnst sambandið á milli 3. og 10. greinar laganna eigi fullkomlega greinilegt, að jeg álít eigi, að til reglulegrar kosningargjörðar þurfi að koma, til að fá tillögu safnaðarins í framangreindu efni, ef sóknarnefndirnar innan þeirra 14 daga, er umsóknarbrjefið á að liggja til sýnis samkvæmt 3. gr., láta prófast vita, að söfnuðurinn ætli eigi að neyta tillögurjettar síns.

28 Ágrip af brjefi landshöfðingja til amtmannsins yfir suðuramtinu og vestur- 3. febr. amtinu um hallærislán handa Snæfellsness- og Hnappadalssýslu. — Með brjefi þessu var Snæfellsness- og Hnappadalssýslu veitt lán, að upphæð 2200 kr., til að afstýra hallæri, með þeim kjörum, að lánið verði ávaxtað með 4% árlega, og endurborgað með $\frac{1}{8}$ á ári, eða á þann hátt, er alþingi síðar kann að ákveða.

29 Brjef landshöfðingja til amtmannsins yfir suðuramtinu og vesturamtinu um 18. febr. leyfi til að halda lotterí. — Með þóknanlegu brjefi, dags. 16. þ. m., hafði þjer. herra amtmaður, sent hingað ásamt álitum sýslumannsins í Árnessýslu erindi sóknarnefndarinnar í Stokkseyrarsókn, þar sem sótt er um leyfi til að halda lotterí um reiðhest til ágóða fyrir hina fyrirhuguðu kirkjubyggingu á Eyrarbakka.

Út af þessu skal yður hjer með tjáð til frekari birtingar, að jeg veiti leyfi til að halda hið umrædda lotterí á þann hátt og í þeim tilgangi, sem tekið er fram í nefndu brjefi sýslumannsins í Árnessýslu, en forstöðumönnum lotterísins ber nákvæmlega að hegða sjer eptir þeim reglum, er þjer eða hlutaðeigandi lögreglustjóri kynni að setja því til tryggingar, að engin vandkvæði hljótist af lotteríinu.

30 Brjef landshöfðingja til amtmannsins yfir norður- og austuramtinu um 19. febr. stjúpborna að framfæra stjúpforeldri sitt. — Í brjefi 12. f. m., sem hingað hefur borizt beina leið, hefur hreppsnefndaroddvitinn í Staðarhreppi í Húnavatnssýslu. Gísli Sigurðsson, borið upp þá fyrirsögn, hvort stjúpborn öreigans Arons nokkurs Guðmundssonar, sjeu skyld til að framfæra þennan stjúpforeldur sinn, og hefur hann jafnframt sent hingað eptirrit af brjefi yðar, herra amtmaður, dags. 1. júní 1886, og brjef sýslumannsins í Húnavatnssýslu, dags. 22. júní 1885, en í báðum þeim brjefum er fyrirsögn nefnds hreppsnefndaroddvita um þetta mál svarað svo, að á stjúpörnum hvíli eigi skylda til að framfæra stjúpforeldri sitt.

Út af þessu skal yður hjer með tjáð, herra amtmaður, til leiðbeiningar og frekari birtingar fyrir ofan nefndum hreppsnefndaroddvita, að jeg er yður samdóma um, að þó álíta megi lögákvæðið, að stjúpfaðir eigi að framfæra stjúpborn sín, á meðan hann